



FINNMÁRKOKOMIŠUVDNA FINNMARKSKOMMISJONEN

Preassadieđáhus

Finnmárkokomišuvdna álggaha barggus

Finnmárkokomišuvdna nammaduvvui 2008 dan nammii ahte systemáhtalaččat kárte geavahan- ja oamastanvuoigatvuođaid maid finnmárkolaččat soitet leat háhkan guhkes áiggi geavahusa vuodul.

Komišuvdna galgá juohkit Finnmárkku sierranas čielggadanguovlluide. Dat lea dál mearridan dan guokte vuosttas čielggadanguovllu, Stierdná/Sievju ja Unjárga, ja almmuha ahte vuoigatvuođaid kárten álggahuvvo dáid guovlluin. Dan oktavuođas ávžžuhuvvojit sii guđet iežaset atnet vuoigatvuođalažžan dieđihit dan komišuvdnii.

Komišuvnna ruovttusiidu – www.finnmarkskommisjonen.no – lea dál almmolaččat geavahanláhkai. Siiddus leat eanet dieđut komišuvnna mandáhta, čoakkádusa, bargovuogi ja doaimma rievttálaš vuodu birra.

Komišuvnna vuoigatvuohtakárten galgá leat gustojeaddji rievtti vuodul ja fátmmastit daid eatnamiid maid Finnmárkkuopmodat válddii háldosis Statsskogas suoidnemánu 1.b. 2006. Dát eatnamat leat sullii 95 % eatnamiin Finnmárkkus (44 000 km²).

Finnmárkokomišuvnna jurddan lea johtilabbot ja dievaslaččabut čielggadit vuoigatvuohtadiliid Finnmárkkus, go maid livččii sáhttán dahkat dábálaš duopmostuoluid bokte. Guđet eai leat ovtamielas komišuvnna loahppacealkagiiguin sáhttet áššiid ovddidit Finnmárkku Meahcceduopmostullui, dahje juo Alimusriektái.

Komišunjođiheaddji Jon Gauslaa, dadjá iežas iluin dáiinna bargguin álgit.

Oktavuohta:

Komišunjođiheaddji Jon Gauslaa, telefodna 22 99 93 22 (b) dahje 41 54 57 56 (giehtat.).